



13 Juli 2022

Esekiel 40: 5-37



Sibar-Sibar Dibata



Nabi Ezekiel ndatken sada pengenehenen i bas Dibata nari. Ia ibaba ku taneh Israel ku das sada deleng. Ia ngenehen sada malekat alu pita penibari, nibari kerabangen Rumah Pertoton bage pe kerabangen-kerabangen muat ku Rumah Pertoton e. Malekat e nibari Rumah pertoton alu mejelimet lit perincinna alu penibari. Kai tujun Rumah Pertoton e isibari? Gelah kemulian Tuhan teridah arah Rumah Pertoton e.(Esek.43:5). Adi Rumah pertoton e pe isibari Dibata alu mejelimet ras terperinci, kai ertina man banta? Ertina maka kita (kulanta) selaku Rumah Pertoton Dibata (bnd. 1 Kor.6:19-20) arus tetap teridah kemulian Dibata. E maka kita pe isibari Dibata nge? Alu penibari si igelari benang arang/tali sipat (Amos.7:7-8). Kai sibarna tupung Dibata nibari kita? Bagi si tersurat i bas Jesaya 28: 17, "Si jadi tali timbangan i bas palas e, e me kap keadilan, janah tali sipatna e me kebujueren." Keadilen ras kebujueren/kebenaren jadi sibar-sibar Dibata nandangi kalak si tek dinggen erkemalangen man baNa. Tentu labo terjeng si dua e ngenca. Kejujueren/kebenaren eme si lit ibas Kata Dibata janah Kata Dibata e me kebujueren/kebenaren e. Kalak si nggeluh i bas kebujueren maka nggo idalankenna sibar singena ate Dibata. Mpermuliaken Dibata arus ibangun arah sada proses tapi adi la lit kininggiten guna patuh nandangi Kata Dibata, labo banci sikap ras lagu langkahta bagi IA. Bali ras sekalak serayan, adi ia erkhotbah kerna keadilan, kebujueren tapi ikotorina alu erbual ras ndatken keuntungan arah kalak sideban, mungkin ia ihakimi rasa lalap erkiteken perbahanenna. Dosa e lit tetap bas kita aminna pe kita jadi anak-anak Dibata. E maka mari kita erjuang tetap guna meteh ras ndalanken kerna sibar-sibar Dibata i bas KataNa gelah alu bage kita tetap jadi Rumah PertotonNa si jadi ingan kemulian Dibata.

Kata Dibata sibar-sibarta ndalani kegeluhen

